

نومرو ۱۳ — ۲۴

نسخه سی ۲۰ پاره در



امور اداره و تحریر و اعلانات و ساثره ایچون مدیر
مسئوله مراحت ابدالییدر .

ابونه سی بر سنه لك اعتبارله ممالك عثمانیه ایچون
۱۴ و ممالك اجنبیه ایچون ۲۰ ضرور شد .

صرفای امتك مقالات متصوفانه لرینه جریده
صوفیه لك صحیفه لری آچیه قدر .

شمذیلک اون بش کونده بر نشر اولانور
محل اداره باب عالی جوارنده ابوالسمود جاده سنده
نجم استقبال مطبعه سی

تصوفی ، دینی اخلاقی ، جریده اسلامیہ در

طرزنده مسجیع یاوہر ایرادیلہ پیغمبرک دعواسنہ قالمش وکندی
قومی ایلہ « بنی تغلب » دن بعضلرینی نبوتنه ! ایناندرمشدی .
ایچہ قالابالق طویلا بنجه اهل اسلام ایلہ اوغراشمق املنه دوشدیسہ
اول امرده « یمامہ » ده [۱] ادعای نبوت ایدن « مسیلمہ »
اوزہربنه یورومہسی توصیہ ایدلدیکندن « علیکم بالیمامة ذوقوا
ذیف الحامة فانها غزوة حرامة لایاحقکم بعدھا ملامة » دیهرک
یمامہ عزم ایتدی .
مسیلمہ ، سجاحک مهم بر قوتله اوستنه کلدیکنی ایشیدبنجه
هدیهلر کوندهروب بر ملاقات طلبنده بولوندی . آلدینی مساعدهیه
بناءً « بنی حنیفه » دن فرق کیشی ایلہ سجاحک زیارتنه کیتدی .
قرمزی میشینندن قبه شکننده یاپدیردینی چادری قوردوروب
پیغمبر خانمی ! چاغیردی . سجاح ، یالکزجه کلوب چادره کیردی .
مسیلمہ یه :

— سکا ناصیل آیتلر نازل اولدی؟ دیهه صوردی . مسیلمہ :
— ألم تر الی ربک کیف فعل بالحلی اخرج منها نسمة تسمى
بین صفاق وحشی ! دیدی . سجاح :
— داهای؟ سؤالنده بولوندی . مسیلمہ :

طاهر المولوی مابعدی وار

کلیات ابن الرحمنی دن :

ادبی باغچهلر :

عدد
۵۰

« جهاد »

جهاد — من جهة الاجر عبادتک اعظمی ، ومن جهة النجات اکمیدر .
جهاد — درجاتک افضلی ، نفاقدن طهارتک انزهیدر .
جهاد — نسل بشری تصفیہ ، ایمان و رابطہ بنی تقویہ ایدر .
جهاد — مؤمن صادق ایچون الطاف سبحانیہ نک اجلی منافقین ایچون محن
ومشاقک اسقمیدر .
جهاد — آفات وغضب الهمیک انسانلر ایچون استحقاق آننده خلاصک
اک سریع طریقیدر .
جهاد — حسیات معنوی عمومی یکی جریانلر ویرمک ایچون اجرا ایدیلن
برنوع انقلابدر .
جهاد — عصیان بشردننانی جناب حق ویریلن رضیهدر .
جهاد — افنای فکر ایچون ضربک برنجی واسطه تحکیمیدر .
جهاد — زوالی انسانلری الدائم و بر آرایه طویلامق ایچون بکر منجی
عصرک مردود منافعی خسیس امللرینی ، منفور اعتراضینه
بیچاره انسانلر واسطه سیله لاجل الاقتطاف مرتب بریلان
بر بلوفدر .
جهاد — حال استغراقده بولنان نفوس زکیه نک باغ رضاسیله ارباب انفسیه نک
دریای فضاسی آره سنه وضع ایدلمش دلنشین برکوردور .
قاعه سلطانیه لی

ابن الرحمنی علی طیار

[۱] جزيرة العربیه (نجد) ایلہ (بحرین) اراسنده واقع بر خطة
جسمیه درکه الیوم حدودی پکده معین دکدر .

« بر منظومه عربیه و ترجمه سی »

ویمعنی الشکوی الی الناس اتی خلق عالمده بنم کبی بتون عاجزدر
علیل ومن اشکو الیه علیل .. سوزیمه سویلمه دن علم الهی شامل ..
ویمعنی الشکوی الی الله انه ایشته بنجه شوایکی حال قوی عاجزدر
علیهم بما القاه قبل اقول خلق ایلہ خالقہ شکوی ایدهم حاصل ..
* * *
اذان المرأ حین الطفل یأتی ولادتنده اذانی او قونمسی کشینک
وتأجز الصلوة الی الممات نمازی حال مماننه اولمسی تأخیر
دلیل ان محیاء قایل حیانتک بر اذالنه نماز بینی قدر
کما بین الاذان الی الصلوة قایل اولمسنه اولدی بر دلیل کبیر

کمال الدین خرپوطی

منع عشرت ولعیات

اینی کوتونی تفریقہ مقتدر اولمیان بر طاقم کنج چوجقارک
قهوه ، چای خانه ، میخانه کبی بعض یرلره دوام ایدرک اویون
اوینامقده و بعضلرینک ده عشرت قوللانمقده اولدقلری مقام ولایتجه
استخبار قلندیغندن بعدما بوکبی حرکاتده بولنانلرک صورت قطعیهده
منعی ایچون پولیس اداره سنه امر و تبلیغ کیفیت بیورلمشدر .
اویون اوینامق و عشرت قوللانمق کیت کیده دائمی بر آلت
حالتنه کله جکی ایچون غایت مذموم و فنا بر حرکت اولمقله برابر
علی الخصوص قیمتی و قتلرینی کوزل فضیلتلر اینی اخلاقلر قازانمغه ،
ادب و عرفان تحصیلنه حصر ایللری لازم کان بویله بر طاقم کنججارک
بو اخلاقسزلغه دوشمه لری بوتون بوتون جائز اولمدینی کبی بویله
یرلره کیتملرینک آداب و اخلاقلرینی بوزه جنی و بعضاً دخی بو
کوتو حاللر یوزندن وقوعات دخی ظهوره کله جکی آجیق بر کیفیت
اولمق جهتیه ادب و تربیه نک بسبتون خلاقی اولان بو فناقلر
حکومتجه قیدسز لیکله کوریلهمیه جک حاللردن بولندیغندن بوندن
صکره اویون اوینادینی و عشرت قوللانمق کوریلان کنج چوجقار
پولیسار واسطه سیله اورالردن قطعی صورتده قالدیریله جقلری کبی
قبول ایدن و عشرت ویرن اویون اوینادان چایخانه و میخانه جیلارک
دخی بونلری عشرته و اخلاقسزلغه تشویق ایتمش صایله رق حقلرنده
پولیس نظامنامه سنک سکسان ایکنجی ماده سیله اولبایده کی امرلرک
حکمنه کوره جزا معامله سی یاسیله جنی قرارلشدیرلدیغندن هم اخلاقاً
وهم ادباً شایان تقبیح اولان بوکبی حرکاتدن توقی ایلملری لزومی
شبان وطنه اخطار ایلرز .

جريدة صوفيه

فضیلت و انسانیت نقطه سندن جدآ سزای تجیل اولان شو تدیبرک
استانبولزده و ممالک سائرہ عثمانیهده دخی تطبیقی شایان تمیدر .

نجم استقبال مطبعه سی صاحب امتیاز
و مدیر مسئول حسن کاظم